

wy Bože žišchi a derbniki sczo, a lěz wy teje swetosczi se pilnujoscho? pscheto na to hupšcharweńe pschizo to hušwěscheńe, a kotaremuž te grěchi wodane su, ten se warnujo psched nowymi grěchami, a wežo psches tu mož teje wěry swojō žyweńe k zeseži Boga, kotaryž we tom hupšcharweńu weliku smilnoscz nad nim zhyń jo.

Wy, kenz hupšcharwjone nejsczo, ale hišczi we waschych grěchach, a spod tym gniwom Božym lažyscho, phtajšcho, ako ten zołnač, tu gnadu togo hupšcharweńa we wěrnej pokušce; pscheto zo možo wam schyčno pomogach, gaž wy žednogo gnadnego Boga namascho, ale hišczi spod jogo gniwom lažyscho? Negronšcho: nam nebužo Bog gnady bysch; pscheto my šmy jogo dlujko, žesto a welgi rosgniwali. Glědajšcho na togo zołnača! ten běšcho we tych nejwětschych grěchach se žhyń; pscheto, te welike grěšniki buchū tenzaš zołnače poměńone; a weto hordowa won hupšcharwjony, dokulaž won wěrnū pokutu zhyńascho. A taž nožo Bog, aby něcht hordował sgubjony, ale aby se schyčne k pokušce hobroschili (2. Petr. 3, 9).

Wy hupšcharwjone! wam pschimołajo Dabid (Ps. 32, 1. 2): „Dere tomu, kotaremuž te pschestupeńa su wodane, kotaregož grěchy su pokschyte! Dere tomu zloweloju, kotaremuž ten kněš te šte statki nepschirachnujo!“ Wy sczo humožone wot togo grěcha; pscheto ten grěch jo wam wodany a ta dere sašlužona schtrofa spušcžona; wy sczo liche teje šteje wědobnosczi; pscheto ta Kristušowa kšchej jo waschu wědobnoscz huzhscžila wot humarłych statkow k služěnu tomu žywemu Bogu (Ebr. 9, 14), wy sczo humožone wot